

ما رننگ گو جری نیو ز بلیٹن مو رخہ 04 مئی 2025

Pak Ships Ban

حالیہ پہلگام دہشت گرد حملہ غا جواب مانہہ بھارت نے پاکستانی سمندری جہازاں غا بھارتی بندرگاہاں مانہہ داخل ہون ور پابندی لا دتی ہے۔ یوہ فیصلو بھارتی اثاثاں غی حفاظت یقینی بنان واسطے لیو گیو ہے۔ سمندری جہازاں با رے ڈائریکٹوریٹ جنرل نے کہیو ہے جے یاہ پابندی فوری طور ور لاگو ہو گئی۔ جہیڑی اگلا حکم توڑی چلے گی۔ اس تیں علا وہ بھارت نے پاکستان سنگ تمام ڈاک خدمات معطل کر دتی ایں۔ نالے براہ راست اور بالواسطہ طور ور تمام چیزاں غی درآمد ور پابندی لا دتی ہے۔ مرکزی سرکار غا فیصلہ غو استقبال کرتاں واں جموں غا بیوپاریاں نے پاکستان سنگ بیوپار ور پابندی لان غی تگڑی حمایت کی ہے، تے اس قدم نانہہ سرحد پار دہشت گردی غے خلاف ضروری قدم قرار دتو ہے۔ کاروباری لیڈراں نے زور پایو جے قومی مفاد تجارت گھاٹا تیں اُپر ہے۔ اُنہاں نے ایسا پکا حفاظتی اقدام واسطے ملک گیر حمایت غی ترغیب دتی ہے۔

CM, PM Meet

وزیر اعلیٰ عمر عبداللہ نے شام ویلے نویں دہلی مانہہ وزیر اعظم نریندر مو دی نال ملاقات کی۔ میٹنگ غو مقصد جموں کشمیر سنگ جڑیا کلیدی مسائل ور تے خاص کر خطہ مانہہ حالیہ صورتحال ور تبادلہ خیال کرنو تھو۔ وزیر اعلیٰ عمر عبداللہ نے 22 اپریل دہشت گرد حملہ تیں بعد غی صورتحال با رے وزیر اعظم نانہہ جانکا ری دتی۔ پہلگام مانہہ ہوا اس دہشت گرد حملہ مانہہ 26 عام شہری ہلاک ہو گیا تھا۔ اُنہاں نے دہشت گرد حملہ غا سلسلہ مانہہ ڈونگا ڈکھ غو اظہار کرتاں واں لوکاں غی ناراضگی وی ظاہر کی۔ وزیر اعلیٰ نے پہلگام دہشت گرد حملہ با رے جموں کشمیر قانون ساز اسمبلی غی طرفوں مژمت کرراں واں متفیقہ طور ور پاس کی گئی قرار داد اُجاگر کی۔ اُنہاں نے لوکاں غی طرفوں دہشت گردی نامنظور کرن اور امن تے آپسی بھائی چارو برقرار رکھن واسطے مل جُل غے کم کرن غی تصدیق کی۔

NIA Chargesheet

قومی تحقیقاتی ایجنسی این آئی اے نے ممنوعہ آئی ایس آئی ایس، آئی ایس جے کے دہشت گرد گروپ نال تعلق رکھن آلا 3 ملزماں غے خلاف فردِ جرم داخل کیو ہے۔ یوہ فردِ جرم 2024 سرینگر بتھ گو لہ حملہ غا سلسلہ مانہہ داخل کیو گیو۔ جس مانہہ اک کالسری ہلاک تے کئیں عام شہری زخمی ہو گیا تھا۔ جموں مانہہ این آئی اے غی خصوصی عدالت غے سامنے یوہ فردِ جرم داخل کیو گیو۔ دہشتگرد مخالف ایجنسی نے شیخ عثمان یا سین،

عمر فیاض شیخ اور افنان منصور غا ناں یو اے پی اے غے تحت درج کیا ایں۔
یہ تمام ملزم اس ویلے عدالتی حراست مانہ رکھیا گیا ایں۔ قابل ذکر ہے جے
مذکورہ حملو 3 نومبر نانہ دہشت پھیلان اور امن مانہ کھودل پان غی
سازش غے تحت سرینگر بازار مانہ کیو گیو تھو۔

LoC Firing

جموں کشمیر مانہ گئی رات قبضہ لکیر ور پاکستانی فوج غی طرفوں کی گئی
گولی با ری غو بھارتی فوج نے مناسب جواب دتو۔ دفا غی ذریعہاں نے کہیو
بے جے پاکستانی فوج نے کپواڑہ، با ریمولہ، پونچھ، راجوری، مینڈھر، نو شہرہ
سندر بنی تے اکھنور علاقہاں غے سامنے قبضہ لکیر ور لو بکا ہتھیاراں نال
بلا اشتعال گولی با ری کی۔

MoS Ramban

ضلع رام بن مانہ حالیہ قدرتی آفت غے مد نظر مرکزی وزیر ڈاکٹر جتندر
سنگھ نے بچاؤ واسطے سائنسی طریقہ نال تیاری غی ضرورت ور زور پایو۔
اس سلسلہ مانہ اک اعلیٰ سطحی میٹنگ غے دوران بانہال مانہ جدید
موسمی نظام نصب کرن جیسو کلیدی مچا بدو کیو گیو۔ اس سلسلہ مانہ
رلیف تے باز آباد کاری غا سلسلہ مانہ ایم پی فنڈ غو لچکدار استعمال کرن
وری غور کیو گیو۔

Waves Summit Last day

پہلو عالمی سمعی بصری تفریحی سربراہی اجلاس اج مہئی مانہ اختتام
پزیر وے گو۔ ویوویز 2025 مانہ فلم سازی بارے جماعت تے ثقافتی پروگرام
سربراہی اجلاس غا اخیری تہاڑا مانہ توجہ غو مرکز رہی گا۔ یوہ 4 روزہ اجلاس
س ویرواریں شروع ہوؤ تھو۔ جس غو وزیر اعظم نریندر مو دی نے افتتاح کیو
تھو۔ اس پروگرام مانہ 90 تیں متا ملک حصو لیتا دیکھیا جا رہیا ایں۔

Reasi Catch the Rain

جل شکتی ابھیان غے تحت چل رہی صفائی تے رکھ رکھاؤ بارے مہم غا اک
حصہ غے طور ڈپٹی کمشنر ریاسی ندھی ملک نے کئی جگہاں غو دورو
لایو، تانجے ”کیچ دا رین“ 2025 غو اندازو لایو جا سکے۔ اک ہفتہ تک چلن آلی
یاہ مہم یکم مئی 2025 نانہ شروع ہوئی۔ اس سلسلہ مانہ ڈپٹی کمشنر
نے اس شروعات غی اہمیت اُجاگر کی۔
